

攝公之威十餘年無一匪迹知府鹿傳霖獎府經歷加七品銜光緒戊戌土匪黎履芳倡亂公立稟請當道發兵進剿既而合浦縣鄧倬堂縣主葉士模同時帶兵至由已所開典店撥出銅錢三千貫以濟兵食並竭力勸贊軍務遂破黎匪緣是積勞過甚舊病復發隨率於那樓三寧書院西鄉司馮痛其為地方盡瘁也贈以三寧第一輓詞生子長景正署防城縣訓導次景直丁酉科拔貢

楊喜清字伯明武利練麻定江村監生光緒辛丑土匪鄧東良翁光佳擾亂地方村鄉咸被脅服惟喜清誓不從賊督帶團練拿獲多名翌年駐營昇平墟匪黨假扮官軍混入市中放火相持數日竟以兵單援絕力竭被焚而斃部下同死者二百餘人鄉人在該墟剏建忠義祠祀焉

張廷材字觀堂舊州練廩生頗有文名屢試不第科舉既廢遂投筆從戎參宋分統安樞軍幕光緒三十二年保舉管帶征勦土匪三十三年邑城被圍帶勇赴援陣亡

以上據各採訪冊續志

靈山正續志卷十七人物志

傳類中 孝友 好義 卓行 曠達 孝友

靈山縣志

人物志

式百式伍

廣州黃黎巷新中華承印

孝友傳例見於唐書其他或稱孝義或稱孝行亦以所採徵有異也今詮次為孝友〔舊志〕

宋

王康臣靈山人父世賢病篤康臣與妻劉氏割股療之父病即愈慶元二年郡守林公奏立旌孝坊以表之崇祀忠孝祠

按割股一事乃過禮之孝已奉功令禁止懼其相率成風也唯王久已崇祀謹從舊志採錄後之覽者當思孝道甚大非一端可盡亦非一節不取則記所稱大孝中孝小孝宜各有以竭其力矣

明

李國華靈山特牛村人嘉靖辛酉隨父往村糶穀返至博嶺山中遇賊傷其父華痛憤持刀赴鬪以死年二十七崇祀忠孝祠

孫佐性行至孝萬歷十四年鄉耆兩學公舉勘詳按院汪給匾賜金堅不受

清

容廣賢邑廩生幼失怙事母孝親喪三年蓆蒿枕塊清素自茹未嘗肉食處兄弟極友愛縣令杜兆觀儒學蘇璋玉舉其德行

周尙文自廣西宣化移籍靈山居貧食力存心好善端方孝友睦族息爭鄉鄰見重年八十而終

仇孟晟字始然號元亭由監生就職縣丞壯年嘗至京需次迨丁考憂遂奉母董太宜人不出太宜人年逾九旬猶紡績恒坐其旁相之或竟日鄰人治酒具邀太宜人必親隨之其孺慕然也比執喪幾於過禮又建祖祠置祭田歲饑則捐賑藩憲以爲善必昌額旌之

仇蘊晟號顯亭郡廩生沉潛力學試輒前茅而素行端方言動悉遵禮法與昆弟處終身無間言

此二條皆節採馮翰林作仇府君墓表兼參鄉評

伍在寬別字則唐庠生性端方尤敦孝友處宗族終身無間言積置合族嘗租伍氏之有祖嘗者自寬倉之又有某叔用不節將耗其家資寬爲經紀且出資代贖卒以保全至今族人於祭祖後復設寬位以祀之

張超英字汝梧號鍾山郡廩生所述次子居家孝友敦品行潛心書學小楷摹松雪而得其神士林多效之屢薦不售而卒

按超英於嘉慶元年曾舉孝廉方正由縣詳府辭不就又傾資以助弟誠終無怨言

靈山縣志

人物志

式百式陸

廣州黃黎巷新中華承印

此當以本行爲重舊志列文學中今易置孝友爲宜

施成性號德齋施屋村人性謹厚少好學通經義家赤貧終身爲蒙師以館穀所入事二親出入必告菽水無少闕年四十丁母艱寢苫枕塊哀毀骨立茹素三年幾至傷生或勸之對曰吾亦守食旨不甘居處不安之訓耳父沒居喪如母憂時後得嘔血疾卒年五十六

楊秀興邑之西鄉人世業農家依山故多虎興方八歲時母晨出覓牛逾時不返心動尾之見虎方舍牛而搏其母疾前大呼以手搏之虎俛首舍去興乃負母至村旁而顛呼救甚切隣驚出視其母子俱昏迷在地爲掖至家興始甦其母亦卒德生此乾隆辛卯正月事也

按此所謂赤子之良能也邑人學博仇汝昌庠生邱植俱爲之傳文不具錄

莫能貴邑之揚試田村農人竭力終身僅營數百金產兄一早逝時尚赤手也貴撫其遺孤如己子長分爨以其業與姪均之

陸文泰邑之那覓村人少赤貧兄文安寄于母黨遂居焉後文泰勤儉起家別置產一十六斗爲兄業並迎兄旋同居以終其身

梁如載字朝俊庠生俊父歿後四越月而生庶出也讀書僅識字能知節義篤友愛嫡

兄亦庠生子五人兄逝載與諸侄作六股分析財產並捐貲置墓田二十餘畝修築祖塋後以嘉慶元年壽八十遇恩給七品頂戴壽八十有九

以上舊志

趙德仁浙江人事蹟詳流寓類

勞喬義早孤母患癱幾二十年侍奉湯藥不離左右兄早逝視姪如子內行無慚鄉閭見重嘉慶庚辰以孝行呈報建坊旌表時年九十有五(府志)

盧輝基授職按察司照磨性孝友幼失怙恃惟奉生母以居善承色笑兄弟十二人敦篤友愛怡怡如也子五俱列膠庠次子銷秉鐸惠來(府志)

張所敬由歲貢任廣寧訓導父球先卒母勞氏年九十餘侍奉弗離左右敬七十猶依依孺慕執母喪寢苫三年哀思弗輟處兄弟以友愛族中絕者爲立嗣以綿宗祧常捐渡以利病涉委曲以全婚姻蒞官甫六月解組歸年八十二卒(府志)

周應新東墟練沙井頭人性純孝家貧仰訓蒙所得脩脯以供菽水每饗殮揖父母就坐父母笑其愚應新恒以得一笑爲樂有疾朝夕焚香禱叩願以身代親歿席蓆三年常至墳墓省視尤好善倡建三人橋鯉魚橋壽七十三歲自行飭終臥席而逝光緒三年報請旌表准祀忠孝祠

靈山縣志

人物志

式百式柒

廣州黃黎巷新中華承印

曾廷和東墟練朱屋甲村人兄弟三人廷和居次家貧各出經商廷和獨贏餘資盡舉以均毫無德色人以爲難兄與弟並早逝兄遺下一子撫之如已出壽七十三歲

陳兆經東墟練大里坡村人親歿遺幼弟二人負販養之不辭辛苦中年家小康將已經營所獲與弟均分

鍾國文字存心平山練人友愛弱弟弟臥疾經年親調湯藥歷久不倦每對人曰我願分弟疾痛弟卒撫遺孤成立娶親創業壽九十六歲

梁高護高試兄弟上東練人因與他姓訟墳山試被押護念試中年無子代試坐監未幾瘦斃訟亦隨息試回家後生一子名肇痛兄押死盡將自份公租讓與兄子臨終猶遺囑子孫不得爭論後護裔收六十餘年議將此租讓還試子肇始終堅辭旋因護裔固讓多次祇勉收一年以後復爲輪租嗚呼親愛之情世所或有乃傳子孫數十年後一如當日此豈晚近所易觀哉

謝振明字子啟原名國修州判銜前居檀墟練大塘派村後遷居苟美坪村十二歲喪父諸弟皆數歲及冠赴郡游學數年後痛念母寡弟弱不忍遠離遂棄儒業侍奉母氏訓諸弟成名弟三人振康軍職振南武舉振武由武生保藍翎千總子二人長錦熬武生卒之日諸弟及婦哀痛如喪考妣焉

伍大經原名寓寬字華封宋泰練

村人胸具勇略習弓矢精騎射屢困童軍援例

就千總職孝友樂義伯兄久病厭藥物急單騎赴城購參茸一日夜往返三百餘里歸進與兄服之立愈尤好救急濟貧凡建橋廟修道路鼎力倡始半耗其家無吝難色鄉中有不可無是人之歎卒之日感其惠者悉呼翁以哭之

劉家俊字宅三石塘練蘇村人由捐職州同請封性肫摯温厚事母以孝聞而於兄尤極盡道諸凡必先稟命出則隨行入則同處兄多病親自調藥奉侍不離頃刻比兄歿撫姪逾於所生無絲毫私積且疎財仗義鄉中公益事靡不身先倡助咸同之際石唐爲邊徼重地西匪圖欲假道來靈屢至騷擾衆舉出持團務軍需咸一手籌集相持數載無或支絀蓋由誠信服人之效也壽七十歲

盧志廣上東練王屋洞人家貧奉養不絀逢親認辰必備酒肉跪祝父先歿事母彌篤母病不能行問欲與何人談則背負以就之比談倦欲回又負之返嘗往廣平墟佃耕值母壽以路遠翌日始抵家時母出爲人蒔田立即趨赴田邊跪候迎歸治食享焉

李人秀字稟生舊州練獅子嶺村增生數歲失怙孝以事母食必同桌朝夕必定省有疾不離膝下與兄同居數十年友于之樂無纖毫隙兄先歿教養諸姪皆俟長成始分爨痛父早世每與母食輒泣下性儉樸服食淡薄嘗訓子孫曰凡人勤則有功戲則無益或問處世之道曰居鄉不外一公字居家不外一忍字亦張公藝之流亞也壽七十一歲

靈山縣志

人物志

式百式捌

廣州黃黎巷新中華承印

盧士龍字雲從石背練青竹村監生父循仁善訓徒多所成就公賦性屯(月旁)篤父出外訓蒙在家奉母督二弟耕讀同居四十餘年始析爨仍以供養父母自任及歿經營喪葬始終不忍累弟二弟皆先卒撫遺孤如己出生四子次吳燾歲貢生

黃建華石塘練白石村人與弟日華同業冶和順異常弟鬻器於市必二三更始回終年如是兄坐待之不先食也其歡愛殆出於性成者建華之子德峻邑庠生鄉人舉爲鄉正

陳翰泰石塘練六吉村人奉母孝母以年老病清盲而家貧甚販米爲業每獲利歸必令母撫摩之以爲樂即或虧本仍別存數十錢以示母曰今日贏利僅此耳務得母歡而後已

葛丐者石塘練蘇村人事母至孝每乞食歸必先供於母前母食盡則忍饑以待且多方掩飾不令母知值母八十一歲壽認爲具酒肉雇笛工奏大開門樂以饗之

韋聖道字德門原籍合浦陽塘村人中歲移耕於石塘練平歷村離陽塘三十餘里每日在平歷經理農務夜則歸陽塘省母甫黎明又復返平歷習以爲常一夕有虎尾其

後隨行十餘里而虎不敢傷勤儉起家子孫蕃衍傳聞村人呼其名可以怖鬼卒年八十一歲

嘗曰萃官屯練大塘坡村人少習舉業其刻苦忽投筆嘆曰官不至太守富不過百萬非夫也當各就其性之所近而從事之徒咕嗶奚爲遂棄儒業商於東墟開店熬酒店號天和二十餘年間置田租十餘萬籬同胞三弟極友愛析產時四分均派不以積積由己而有所私焉

甯志霖曰萃之第三子性好義甯故族大散居各村自墊出錢鼎建宗祠以爲歲時祭祀團聚之所後乃以公租遞償之嘗散步郊外鄰村有忌者拳歐而擠仆之報至家子孫趨往救曰吾偶蹶躓耳非人害也汝等毋妄校其能忍如此

陳林(王旁)耀八品職銜檀墟練龍窟塘村人事親誠敬雖飲食細事必躬親侍奉至老不倦每念母親臨蓐之苦故每逢自己生辰是日必素食父母終殯墓距村數里三年內朝夕到墳上香風雨弗改壽七十六而終

容保字虛谷恩貢生授陽山教諭秩滿假歸不復出和睦諸弟周恤貧乏閭里稱之子元鎮邑庠生性亦孝友定省數十年如一日平生以教讀爲事不履公庭人以爲有父風云

靈山縣志

人物志

式百貳玖

廣州黃黎巷新中華承印

好義

古史多稱孝義魏書析爲孝行節義隋書仍稱孝義別爲忠節宋史元史因之今於孝友列傳外標爲好義大抵分財讓產賑孤恤貧之事爲多非必好義者之不能兼孝與忠也亦非義之爲用畢於是也而孜孜好之在是其品亦足貴矣因編次爲傳(舊志)

明

勞炫崇禎拔貢生考授中書幼聰慧有文名長益樂行善邑中公事恒多出力康熙四年多令重建文廟於西門外炫獨力建啟聖宮及段令復遷於城內至嘉慶十年炫裔孫武生如珍以炫曾孫曾超基斌等公產捐四百金重修之而崇聖殿則如珍任督理人以謂一門好義後先繼美云至今以文學興者尤衆按炫事舊見建置門續加採訪始詳之

清

勞基歲貢生炫曾孫任羅定州訓導言行端謹邑中義舉多率先倡任於乾隆庚寅與邑舉人張所述同督建梁冠山文筆峯又如尊經閣之積資備修皆基力也碑存閣可考

張所傳字大文號鶴亭琮長子好善樂施乾隆二十三年大旱發粟助賑又捐社會穀

五十石郡守陳淮以善輝梓里旌之又舊州墟遇火災數十家無力者悉給錢營宅弗券償也以歲貢生授例銓英德縣學教諭捐銀壹百五十兩置田徵租爲諸生科舉費卒於官英人設位於四賢堂配祀之居家日曾與修邑志云

張超萬字爾鵬號一齋所傳長子也童子試縣府皆冠軍受知於督學翁方剛以崇實敦行爲本生平愛榕門訓俗遺規等書既身體力行復購數百部以遺鄉閭乾隆四十四年境大旱歛資捐賑則首倡之縣令陳賜光以爲善必昌額旌之又自建榕木塘坑口石橋以利行人至於建宗祠以收族立祀產以啓後皆美舉也卒之日人以爲不愧父風

盧炯彰字文昭號陶奚〔石旁〕廩貢生性嚴毅遇事果決鄉里咸敬服之而立心慈祥待舉火者數十家乾隆戊寅己卯告飢率先發粟賑濟邑令以桑梓藉潤額旌之催選期至不仕舉十二子卒之日無先折者子孫至今猶蕃衍人以爲行義之報

張華邦乾隆甲子科武舉性端嚴善排解多髯髯人稱爲美髯公有是非待質者感云至美髯公處自服又一日出野遇勾攝公事隸於途猝不及避隸連以掌摑之歸家不發言越數日隸死始曰我一武舉隸役豈遂敢毆辱者必誤耳然即無故毆辱平人亦有死道當時若告汝輩必還毆之禍立至矣衆益服其識量云

靈山縣志

人物志

式百叁拾

廣州黃黎巷新中華承印

張子雄號祿泰性嚴正樂施與遇鄉里有曲直立剖之甚則斥之無少假然每出糶遇穀價驟長不更索值嘗修參差坳鹿基坳等處路爲西鄉舊州赴縣之衝行人德之而建合族宗祠修遠代祖墓不遺餘力壽九十三歲至今後祠蔚起者尤衆

張所述字科文號東軒琮季子也縣學舊甚卑狹爲改葺之又築文筆峯於梁冠山頂方落成辛卯即領鄉薦人以爲倡義之報云由本班分發廣西補天河縣知縣任五年填補民欠至數千石以疾乞休家居十餘年恒杜門不出詩書自娛所著有東軒詩草二卷

伍太斌庠生耿介自持恤孤憐貧有凌姓者數歲失怙養於家衣以衣之食以食之比長爲之婚娶并給田以耕之戊戌歲大饑糲粥賑濟大憲旌其門曰任恤可風

按乾隆戊戌大饑餓孳盈路死者枕藉有司隨在勸賑而西鄉之董事者則伍大斌及已故候選縣丞仇孟晟尤出力日坐粥廠至昏暮始散如是者閱月又施棺命工收殮不避暑熱然至今以好義著者名胥顯焉行義亦何負於人哉

沈光緒字德潤監生節母沈淦氏次子性樂施與鄰〔尙旁〕有逋欠者不强索之或焚其券凡道路橋梁興修之舉衆咸推之捐助必從其厚家故當孔道行旅困者踵集其門必酌多寡以潤之弗倦也以乾隆戊戌大飢首設廠糲粥賑濟邑令陳錫光以德

崇世美頌獎之

姚秉鈞邑庠生廉潔自持與人言訥訥如不出口然經其規畫無不犁然各當文廟學田經理四十餘年出入毛無所苟卒後士林益重之

梁天佐字時俊少穎嗜讀父命牧牛佐於牧所讀如故牛逸逃之郡城儒江坊有同姓者依之志益奮年十六補弟子員旋補增廩生平心率物與人未嘗牴牾清初戶口逃亡人以產業爲累售直甚廉竟有轉益以直而後受者承平後各求本業佐悉依原直還之力不贍者畢歸之有古廉讓風焉次子如崑號西閩武庠樂賑恤急患難人以爲大類父風

沈世隆光緒養子緒初艱於嗣以同姓育爲己子緒所出嫡子世昭少聰穎緒特鍾愛之隆與友善如同出昭以長殤緒夫妻慟甚隆以不能侍藥貽親憂至昭墓號泣甚哀遂溺於墓前壩水卒今過是壩者咸以義士憫之

按世隆家與余近前草志未入懼徇也今由邑廩生施廷衛採及故補之憶余二十載前曾作義士傳後段云嗚呼習俗之敝也聽婦言乖骨肉援聲氣薄本根者何可勝道即在名位顯遊之家往往以繼嗣不定產業不均遂至構難結訟窮年累月家破身亡而卒不少悔此豈財利之深中於人心歟抑其素所誦習者徒以恣其貪鄙之私歟何

靈山縣志

人物志

式百叁壹

廣州黃黎巷新中華承印

天性之厚薄相懸若此也如世隆者雖其學問不甚表見而其肫篤之衷誠有不可得而泯滅者矣又況其以單寒之子享素封之資使稍榮心家計處若故常又豈有議其非者而舍生不顧決然一往此豈委瓊醒醒汨沒利慾者所可同日語哉鄉人至今義之良以是夫魚山師評謂此生得此可以不朽今附入邑志或亦當不朽矣故節錄傳文俾骨肉摧殘者知警焉〔梁吳志〕

劉純祖字雲漢一字秋崖歲貢生內行純粹尤富而好禮敬宗收族罔有寒飢復以其餘力捐常平賑恤凶歲邑人共賴有司旌其閭者再又修郡學改東坡亭建魁星樓皆身任其事至於自奉儉約乃若寒素邑人化之有醇樸之風嘗應前邑令聘修邑志後選得潮陽訓導報至已卒於家年八十有五

純從子慎號介峯由戊申舉人分發廣西候補歷任宣化崇善知縣亦能以義著舊監獄在學宮後前康太守基田命慎爲遷於典史署側今明倫堂新建接近學宮之東慎與有重力焉

賴安邦庠生清初賦役繁重安邦稟請大憲爲革除一切雜派鄉人德之年五十餘尙無子忽一日大宰猪羊悉召其現所受之原業戶至並田與券還之如雷黎那業醋灣綠覓龔龍賴包那弄等村是也還券之糧三十六石有奇衆大歡呼而去後四年連舉

三子季子廷颺事母及兄以孝友聞孫嘉言庠生凡修造橋梁能出重資可謂一門好義者

附外史氏論曰安邦之還券懼其無子也無子而有田是滋累也按志傳之例當編在曠遊然視世之鄙吝齷齪者何啻天淵也故仍歸之好義

黃春容字道統邑之西鄉那笄村人乾隆戊戌大飢發粟以賑宗族全活甚衆治家內外井然男婦咸知大義人以惠族齊家稱之

按傳稱男婦咸知大義以其二媳以節見也詳見列女

黃煥章庠生邑之西鄉那峯村人生而失怙遵母訓以成立常周恤親隣婚喪之不能舉者有典田而還其券者退糧至數石有奇黨里稱之弟顯章郡庠亦謙和與人無忤與煥章皆有文行尤相友愛云

鍾靈秀字之煦邑武庠爲人慷慨有大度乾隆三十六年督修文廟賠墊至數百金前康太守基田按部至縣重秀名禮之與同遊六峯山議建山門牌坊寺閣甃石登一石旁一委於秀支需有缺秀多墊之

李崇國學生慷慨好義其先自嘉應遷靈已二代聞從姪銘璋幼失怙恃流落惠州崇遺族人由三千里外訪獲之既借來則爲置室家謀生理焉建舊州墟北帝廟出重力

靈山縣志

人物志

式百叁式

廣州黃黎巷新中華承印

又立營產設祀田族人賴之崇孫之正邑廩生即節婦李陳氏子襟懷高曠脫畧世務性嗜酒好論文佃戶有欠租者伺其論文高興時持租簿求免正即舉筆註完畧不介意掌教西靈書院前唐令雅重之之正弟之棟亦廩生善屬文與兄之正齊名性孝友兄嗜酒嘗從容諫之兄主講書院每月親詣問安畢則聯床吟咏怡怡如也及兄故逾期未釋服戰問之之棟垂淚曰吾悲獨犬無憑耳不久棟亦故之正子德滋以父見背時方幼銳意於學補弟子員後以綜理家務由增生捐貢亦敦信義好施與恤孤憐貧戊戌大飢滋以所借貸酒百餘兩悉散濟之又捐置舊墟社倉穀若干斗其先家資充裕童僕頗衆及滋悉令各歸治業焚其券焉至今後裔書香不絕滋季子宸亦充歲貢諸孫曾俱有聲庠序人稱一門孝義克世其家云

仇威晟字吉然號儀停少有勇畧困於童軍援例就職千總以勤儉起家然積而能散如乾隆戊戌大飢捐穀以賑有司屢旌其門前令陳錫光尤雅重之晚年德望既重言出人尤信服云

仇汝隆字益夫號致齊萬鵬孫也由庠生加捐布政司理問職制行端謹好流覽史鑑及前賢格言多實踐之如建置營產賑恤孤窮皆不遺餘力於人尤開誠布公族黨咸倚重焉先時嚴申保甲鄉人聯舉隆充鄉正隆於枉者正之忿者平之愚者導之訟賴

省釋西鄉多崇山有某鄉窩賊如藪兵壯至則據險而遁退復肆掠莫敢誰何隆爲相衝要地密約官軍至至則施礮爲號四鄉吹角以應聞角則壯者各執鎗棒以待於隘遂盡金〔手旁〕之居民以寧有司咸慶得人云隆司事數年不染指不贍徇故退無後言者今里中有陳某黃某感隆德每遇忌日則懸像以祝禮之

按前署西鄉司巡檢盛濟川爲隆作墓碣其銘詞云賦性純良存心誠樸利物濟人常消雀角子姓永懷祖嘗恢廓和輯鄉鄰爲善最樂皆紀實也

張超雲字爾倬所受子也附貢生常以濟人爲懷精醫施藥鄰人有病診視饋藥並授以米肉不受資謝亦無德色又鼎建龍灣橋並修彰高石路以利行人鄉人德之

以上舊志

容廿〔丕底〕字弁亭庠名煥彩平山練陸象村附生世儒業祖章璧父開泰均歲貢章璧任雷州府訓導有課士錄傳刻雷人至今誦之公席豐厚之後守而益創擁資數拾萬性好學五子俱造就傳羊城長長著歲貢次長惠監生長潤廩生長春監生長貞份生鄉試並先後荐卷書香濟濟一時稱盛尤樂施與惠周桑梓凡貧不能婚者資助之著爲家法手建村外石橋三度動費千餘緡皆獨力經營不別捐人一錢時長潤未有嗣橋成後遂生一子因取名曰橋孫道咸之際橋遭崩圯光緒中曾孫敷〔王旁〕等將

靈山縣志

人物志

式百卷卷

廣州黃黎巷新中華承印

公輪產積貯修復逾年敷〔王旁〕與姪清彥同以縣府試案首獲售次科敷〔王旁〕子家烈亦隨進學一門義舉世濟其美洵足爲施德之勸焉

楊邦濟原名作舟字巨川城外雲頭嶺人秉承家訓善能繼述其先祖楊國華所創之環秀橋至乾隆辛丑圯於水邦濟乃獨力經始鼎新復建成石橋七鞏長十餘丈濶丈餘壯麗逾前數倍又建錦帶永濟等橋及修橫州大路各有碑載費皆不貲環秀工峻之後由地方官詳奉建坊旌表樂善好施並着註冊永遠本邑春秋祭文武山川社稷等壇廟頒賜胙肉標題楊善人三字各憲屢贈孝善可風積善人家匾額懸諸門覃敷仁字子秀那隆練定油湖村耆民忠厚和平好行善事咸豐辛酉獨力建造新塘坡石橋咸豐三年倡建那隆墟細江橋同治元年倡建鯉魚岑板橋光緒四年倡建鹽埠坪及平埠板橋竹筏置租爲修葺用窮民死無棺殮者每樂施之現年八十七歲子六孫二十二曾孫七人

按例生前不能立傳惟覃君事實皆衆目共見變例彙叙事實不置一詞或可無譏

〔續志〕

仇誨忠號納軒字教之宋泰練人父汝霖曾製格言惜字律刊布勸世創置嘗產少好善有父風倡建太平墟大石橋三帝廟與孝廉張永淵同倡惜字會遇善事欣然爲之

無吝難色以公直推選爲鄉正每處事回召集子姪將日間所持理由條分以告鄉族敬之如神明壽七十四歲

李大元字春官舊州練獅子嶺人早遊庠家擁厚貲積而能散凡義舉無不助成子堂亦承先志中年而逝遺妻盧氏子文炤咸樂於爲善光緒宣統之際氏命子倡修冲表洞文武廟二座倡建烟墊墟西水剝江石橋獨力建蕉根洞江三叉江石橋二度祖孫父子夫妻以爲善世其業亦罕見也

鄒華軒字美亭那隆墟人素有大志不計小利光緒癸卯穀昂貴斗值千錢有奇自捐貲往北海販運洋米減價平糶米價頓落自是販者日多富戶爭糶穀價遂平實由此倡之也後捐職州判署廣西柳州府馬平縣三都分司卒於任

林曉初字香國城內人少失怙恃孝事祖母友愛伯兄弱冠以手所創業千餘貫與兄均分尤輕財重義倡建三人橋鯉魚橋修鍾秀橋石路邑人稱焉

紀翰魁字星樓官團練那凌村人由武生報捐守備性剛直精岐黃術往來診驗不取一文不受一飯遇貧者且助藥資地方公益如建橋修路築壩等事咸踴躍提倡之

張世漢號倬卿舊州練人援例授同知富而好善創造舊州江木橋修岑茶坳石路均費不貲後倡建舊州江石橋捐金數百又創建青塘江木橋諸凡義舉無不勉力贊成

靈山縣志

人物志

式百叁肆

廣州黃黎巷新中華承印

焉

謝桐章字暉生石背練長安村國學生家素封仗義疏財邑中諸建置莫不題鉅款爲倡同治間連歲荒歉以佃丁積欠過多一概豁免計租穀萬斗有奇鄉人頌之不衰王大基武利練高鄉地村人家貧好義遇公益量力捐題鄉中溝油橋梁度力能自爲者購石搭建勤儉起家每以耕讀訓子孫子孫繁衍爲安金冠子蓋善體親心尤敦友愛倡建木頭埠江石橋

謝振坤檀墟練大塘派村人同治壬申建造高步橋五度至光緒末年爲大水衝塌哲嗣述章復費錢千餘婚重修之

江泗龍石塘練漢塘村人咸豐初西匪搆亂廉州府沈葆頤巡邊至境並籌餉征勦泗龍偕同鄉黃現龍慷慨各捐銅錢千緡沈欲與某職保獎泗龍不受沈回廉嘗語人曰石塘有二龍囊中建奇功云

楊時俊字宅卿上寧練團楊村人性慷慨仗義同治甲子永淳孫匪擾亂三鄉時團練經費多爲出力及周榮宗帶勇到境勦捕軍餉缺乏俊捐穀八千餘觔以濟孫匪平後團營報上其功兩廣總督瑞麟保獎藍翎千總用加都司銜

李翹然字秀峯中寧練那馬村人由武生以千總補用勤儉起家富至數十萬慷慨樂

施予嘗獨力鼎建三橋一曰清廉橋一曰獅子橋一曰皇賜橋而皇賜尤雄壯偉麗費逾巨萬其他周恤困窮之事尙難縷數邑仇典堂太史題額表之曰三寧第一

黃習選字超簡上東練龍窟村人勤儉起家熱心公益嘗獨建陸村大路石橋二度鄰里所求無不極力周恤壽至八十歲

黃秉文上東練陸村人性清潔尙節操咸豐時上東練無市場西匪亂橫州據六加墟爲巢穴劃疆以守貿易維艱倡議建築烟塾舖屋設立成市迄今日趨繁盛實爲秉文之力焉卒年八十二歲

鄭仕清字冰心中寧練團寮〔王旁〕村附生慷慨仗義能急人難咸豐孫匪擾境時憤各村內亂糾合團練詣江北李清殿乞師協勦旋爲賊敗挈眷渡江依李以避男婦從之者盈萬人事平歸里觀枯骨蓬蒿潸然大痛與妻麻氏購大缸檢拾遺骸置產奉祀命曰萬人墳並將教學所得館金分惠鄰族鄉人始復聚焉

麻厚光下寧練那樓墟監生少孤貧棄儒而賈輕財重義爲同業所信託以重貲令持泛湘湖黔桂分得贏餘遂致富厚隨所居地凡有修建賑恤諸義舉必捐巨款爲倡光緒戊子鄉人議建三寧書院以廉介爲鄉里所服舉庠生黃闈魁董其事墊款督役公燕〔西旁〕之外不受公所一飯書院之成出力居多壽七十八歲

靈山縣志

人物志

式百卷五

廣州黃黎巷新中華承印

廖榮基舊州榕樹塘人樂善好施貧戶有求必應納租者或撥稅穀公置不較糶穀既定價不忍騰踊獨力建造上洞中元麥吉碑壽星諸石橋援例授千總封奉政大夫晉通奉大夫

廖蘊修字龍軒舊州榕樹塘人以道員授通奉大夫輕財好善獨力建黃京降高山穴〔隆底〕大山塘包祿洞廟嶺崗繞觀塘板箱塘諸石橋而以筋竹石橋所費尤鉅云

袁振才字並三石塘練塘美村人授州同職銜家本貧業商於樂民博合各墟稍裕時卽勇於爲義自樂至博之橋梁道路皆一手所董修而且積祖嘗置神祀鄉族貧民多倚賴焉壽七十六歲

黃耀金石塘練兆庄村人性忠厚不苟取惟以息事寧人爲宗旨嘗自言曰以財見義則爲財所限以心見義則隨在皆可行濟人之事故里中藉以解紛者不勝縷舉有甯姓田與該村會田對換中人受賄說金說合金不知也勸成之後中人將賄分半以謝卒却不納里人至今誦之壽八十歲

勞鍊字字補堂平山練大化村人性謹厚處昆弟終身無間言少失怙遵母訓以成立綜理家政營增祀產咸井井有條尤喜任恤如公私財於諸弟免積欠於佃戶分潤戚鄰獨免夙貸倡建大埠江木橋捐置租業以爲修費不敷則取己租補足之種種善舉

弗吝也壽九十餘而卒

勞銓字字簡卿平山練大化村附生敦崇孝友嚴介端方尤能任事族中有盜賣嘗租殆盡銓年僅十六毅然爭之收拾殘餘數百斗權積錢至數千緡勸建祖祠鄉里重之曲直咸向之取質道咸間西匪蜂起辦理團練隨營越橫永各屬佐勦賊酋姚大困邑城時城中兵少援絕勢甚危急銓單身縋城出與議賄金始解圍去合城晏然皆銓力也逮丁巳李七陷城多方籌畫厥功尤偉克復後保獎州同試用旋援例加二級請封先代又以啓聖殿被兵燹剝蝕聚族人捐資重建以繩祖武焉壽八十餘歲

勞功崇字志軒平山練東園村人由布經職請封少失怙事母至孝定省未嘗稍懈有疾親自調藥不假他人而且言行端謹性情慷慨邑中諸義舉如修環秀橋建考棚捐院試賓興多竭力勤任焉

陳良輔字檀墟練龍窟塘村監生性友愛有弟三人分爨後仍權管其業代積多貲經紀祖父公租不辭勞怨均添置甚鉅平生專以好義訓課後人故諸子每多善舉長君繼勳補縣學廩膳生貢材早卒繼熙繼燾繼煦兄弟咸仗義疎財歷年辦團賑濟各事捐墊多金叠蒙當道保獎此外勸建廉城文蔚橋武利三里江浮橋檀墟練西安橋捐修邑城環秀橋武廟新建檀墟文武廟魁星樓移建宅旁竹枝江橋皆熙倡於前

靈山縣志

人物志

式百卷六

廣州黃黎巷新中華承印

燾與煦成於後秉父遺訓一門濟美洵可謂善繼善述難兄難弟矣

楊賢字寶齋武利練平心洞村武生樂善好施每值穀米騰貴時輒先減價平沽咸豐間匪風猖獗出厚賞以助軍需克復縣城後保獎六品年七十有五夫妻雙壽子棟材樑材孫士標高烈彬皆進武庠

陳子琦武利練伯勞村人家業充厚仗義疎財嘉慶年間獨出資鋪墊伯勞墟街路所費不貲其餘任郵諸義舉見無不爲求之輒應云

李玉郡上寧練團盧村人性耿直而好善家道雖貧凡鄉中義舉無不力爲當議建雷公巖茶亭時人多憚於捐款玉郡獨首先倡導並施田租四十擔以爲常年施茶之費經手點券送出由是衆皆勸勉樂助而亭遂成玉郡年六十始生一子可云行道有福者矣

卓行

卓行者何仿唐書之卓行列傳也後漢書有獨行傳行近於狷而卓行則內外純粹及措之於世又若未盡其才者今自明以下得若而人將以示卓爾難攀之意云(舊志)

清

勞乃仁字善兼號體菴馬槽村人生而異持身端謹年十八食廩餼二十八考選拔

貢廷試前茅王文肅再任督學召赴端州迨撫巡東粵復召學於署益見器重卒年三十五歲

按仁墓碑唐元相撰其略云少失怙每遇考忌涕泣絕聲事母容至嘗冀占疾省視弗違處兄弟怡怡無間據此則仁之本末皆可觀法焉矣元相南海生員

曹仁號靜軒竈門山村人歲貢生制行端謹生平不苟言笑三復朱子全書中有所得一以踐履篤實為己責家故貧授徒四十餘年出其門者咸務本行歲暮歸則以脩脯分潤宗族之困乏者比選得東安縣訓導惟存布袍一襲而已之官日口不言私人亦無敢以私干者有某生緣事得釋進苞苴於正齋而陰以禮物遺其壻胥土旁白之仁曰爾將為衣食計耶是物入於腹則汚腸胃製為衣則汚身體何以為此然却之無以為正齋地現有某事需公費盍以助之居二年課士甚勤卒之日無以為殮臨喪者多盡哀云

按仁壻郡庠生張善鳴嘗舉其事相告人咸知之
仇萬鵬號淡如以附貢生援例州同職天性孝友與鳥志旁鵬鵠兄弟處終身無間言嘗建祖祠定家規朔望則宣讀聖諭廣訓一條子弟謁見必以禮又增置社倉穀數百斛史方伯旌其門曰功佐常平其他修橋梁道路皆首倡之

靈山縣志

人物志 式百卷七 廣州黃黎巷新中華承印

按此條節採翰林馮敏昌作仇孟晟府君墓表

勞猷達字爾嘉號謀齋敦行篤實以歲貢授徐聞仁化兩縣訓導教士崇實行一切餽遺却之致仕歸優游二十餘年不入城市夫妻相敬如賓花燭重逢皆壽至九十餘而卒

按達廉靜恬退於鄉似無所表見然故老傳其軼事云達少讀書目無邪視時有友給婢試之達執利刃曰孰敢來婢乃止又廣西船下省每值無貨回空得官員坐其上則免封船故恒耐坐船者以資謂之請差達下船知之曰坐彼船而取彼錢世無此理即移去

以上舊志

甯廷彬號端文性穎慧少補弟子員好學不倦兄弟共爨六十年門庭整肅內外無間言明末差繁賦重里中以賤售產於彬承平後悉依原價給贖其有價最廉者並讓其原價邑民梁應能楊朝亮張天亢之父與彬相友善避差徭逃竄遠方彬為者才旁柱五十年卒保故業召其子孫還之尤為人所難能知縣李培仁修聖廟命彬董其役時年老巨細必躬親處家以儀範訓子姪多成令器卒年七十有七照府志新增
吳達朝城內朱紫巷人性情勁直家貧自食其力不苟取與鄰里重之咸豐七年西匪

陷城舉家數口被困計難逃脫先使舉家赴井而後隨之俱死

盧寶藏字達輝從九品上東練六局塘人品行端方操守廉介咸同之際屢辦局務奉公潔已地方倚重時值多故甘縣主槐特諭公隨轅辦事詳賞六品軍職

李超文字蔚亭中寧練那馬村監生樂善好施田租萬餘斗恒以分恤鄉閭有那豆村佃積欠數千斗疾革時悉舉其券焚之生八子七女第四子毓春性剛直好伸不平咸豐間孫匪擾境流離轉徙肩貿以活時各賊就撫後仍擄人勒贖翁適負販至營遇族人某被擄勒贖十貫盡以所販貨相抵僅得四貫乃身代縲絏哀賊舍某歸家籌備逾期瀕死者再嗣蒙友義贈得釋回後絕不爲子孫言及有述而疵之者輒啞然曰不知當時何以爲此其度量洵不可及矣

勞自榮字仁可平山練東園村人性情廉介器量寬洪以貢簡授廣寧教崇尙實行一切饋遺及新進印金咸却之尤重士子有某生緣事實於縣縣欲責之例須請於學榮以封條封責板附之縣不得逞士林敬仰之八袞開一誕辰同製錦稱祝焉與欽州馮魚山爲友交甚篤致仕時馮贈以聯云黃花晚節香仍在翠栢奇枝歲轉增壽八十餘歲而卒

曠達

靈山縣志

人物志

三百卷八

廣州黃黎巷新中華承印

曠達者即晉宋諸書之隱逸齊書之高隱梁書之處士其流亞也今之所傳或亦自適其適者豈得以隱逸並著疑斯世之有遺賢哉而要其學焉而得性之所近是以胸次洒落超越埃塵以視乎沉溺富貴者相去遠矣遂以曠達編次之(舊志)

清

盧肇基增貢生爛彰子少穎悟應童子試縣府皆冠其軍常負才不羈連應列得高等僅補增生乃曰是齷齪猥瑣也何自役爲則循例捐貢以文酒自娛晚年尤真率灑脫胸無窒礙每訪親友先示期曰客性最急毋多治肴惟佳釀一餅菓核數品足矣飲輒醉脩然自得行且歌詠以歸嘗謂所親曰汝曹若愛我當及今以酒殺道我我食且飽必將佑汝我死後勿奢陳性儀雖陳吾亦不納吾性不佞佛汝曹所知我死母令師巫追薦我斷無以素所疾惡之人而受其解度者也卒年九十三

蘇寅邑廩生少聰穎異於常兒童子試縣府皆冠其軍先時李學使雨村按試好衣冠齊楚文武生童咸盛飾以進寅獨布素如常李問曰汝何簡樸獨異于衆寅曰貧耳李戲曰貧能有妻室乎寅曰貧與貧爲偶耳李大笑科考置寅高等寅雖以授徒爲業性不樂於帖括縱情詩酒詩多可傳今皆散佚獨唯餘幾片石千載鎖寒汀之句最有名刻於觀海集中終歲所得修脯盡以入於酒家未及揆貢而卒

鍾元音邑老諸生應學使例凡二十三次壽至九十餘生平恬淡既寡營又寡合不信師巫不惑風水不積資財或勸爲子孫計輒引漢二疏語云賢而多財則損其智愚而多財則益其過故絕不以動其心晚年卜居於鯉魚浪小沙之旁環堵之室半畝之宮有田有園有松有竹晏如也性嗜茶酒自拾松枝煮茶或三杯外困兀坐松陰之下白髮蕭然瞻者輒以爲古仙真云卒後邑庠生何章有鍾先生記

以上舊志

仇汝功字立齋號垂竹附貢生淡於財利嘗以蒲包貯銀數百兩於臥室盜穴壁竊去了不介意復實瓦礫於包置舊處盜復竊去公譁然大笑出語於人凡貧民負柴草食物踵門求賣雖不急需必收買之語家人曰彼貧困立俟錢易米我不取彼將誰向乎丁能觀字靜軒石塘練蘇村人生平敬惜字紙路遇有污穢者檢濯晒焦焚之送其灰於江蒙童自塾還必令背誦書熟者探囊賞之性嗜酒不任逼促邱金門贈詩云盈瓦〔缶旁〕自斟還自酌醉人一任醒人催實錄也生子四翰元郡庠翰昆邑廩翰熙拔貢翰孚廩貢女適郡庠葉維屏膠庠之盛爲邑中所僅見

丁能裕字綽然邑增生石塘練蘇村人寡慾廉介善書畫嘗繪一鑽錢窟者頭手已出下截作騰挪勢力撐兩股眼睜睜精神畢肖見者蓋知其有所諷也尤善吟咏著有竹

靈山縣志

人物志

式百參玖

廣州黃黎巷新中華承印

軒詩鈔兼精醫道六經傷寒剖釋尤爲真切

劉道仁字德圃石塘練平歷村人事母孝賦性尤廉非義一介不取宅邊蓄有塘池嘗網得連〔魚旁〕魚以非己物也縱還其鄰且大度容人有族某向之求借屢矣偶一次不遂乘還墟至前村僻徑無人處毆傷脛骨其子欲與理論竟阻止之

勞有爲字修園平山練東園村人好讀書喜吟咏弱冠甫應童子試不售輒厭棄之淡泊寡營壯歲後即屏絕家務築別墅於黃茅園之岡栽花種樹瀟洒自如性尤清潔庭階墻宇無纖塵大有隱士之風所著蟲吟集藏於家

容維高字持國幼慧嗜讀長有文名家不中貲愛書如命質田購書數千卷浸淫其中家計困乏怡然也中年喜畫題畫紅梅詩有梅花也厭冬寒淡未着春風便染紅之句年未四十卒

靈山正續志卷十八人物志

傳類下

列女〔節孝貞節貞烈賢婦〕

術藝 流寓

列女

列女之傳仿於劉向善惡並錄以垂法戒范史因之錄其節行高秀者不專一操也後史或改列爲烈專收節烈一門不已隘乎茲斟酌前史仍以節操爲先而閭閻可風者